

**FRAMKVÆMDARREGLUGERÐ FRAMKVÆMDASTJÓRNARINNAR (ESB) 2014/EES/67/109  
nr. 798/2013**

frá 21. ágúst 2013

**um breytingu á framkvæmdarreglugerð (ESB) nr. 540/2011 að því er varðar skilyrði fyrir samþykki fyrir virka efniinu píretríni (\*)**

FRAMKVÆMDASTJÓRN EVRÓPUSAMBANDSINS  
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1107/2009 frá 21. október 2009 um setningu plöntuverndarvara á markað og um niðurfellingu á tilskipunum ráðsins 79/117/EBE og 91/414/EBE <sup>(1)</sup>, einkum c-lið 2. mgr. 13. gr.,

og að teknu tilliti til eftirfarandi:

- 1) Virka efnið píretrín var fært á skrá í I. viðauka við tilskipun ráðsins 91/414/EBE<sup>(2)</sup> með tilskipun framkvæmdastjórnarinnar 2008/127/EB<sup>(3)</sup> í samræmi við málsmeðferðina sem kveðið er á um í 24. gr. b í reglugerð framkvæmdastjórnarinnar (EB) nr. 2229/2004 frá 3. desember 2004 um nánari reglur varðandi framkvæmd fjórða áfanga vinnuáætlunarinnar sem um getur í 2. mgr. 8. gr. tilskipunar ráðsins 91/414/EBE<sup>(4)</sup>. Þar eð reglugerð (EB) nr. 1107/2009 kom í stað tilskipunar 91/414/EBE telst þetta efni samþykkt samkvæmt þeirri reglugerð og er á skrá í A-hluta viðaukans við framkvæmdarreglugerð framkvæmdarstjórnarinnar (ESB) nr. 540/2011 frá 25. maí 2011 um framkvæmd reglugerðar Evrópuþingsins og ráðsins (EB) nr. 1107/2009 að því er varðar skrána yfir samþykkt, virk efni<sup>(5)</sup>.
- 2) Í samræmi við 25. gr. a í reglugerð (EB) nr. 2229/2004 lagði Matvælaöryggisstofnun Evrópu, hér á eftir nefnd Matvælaöryggisstofnunin, sjónarmið sín varðandi drög að endurskoðunarskýrslu um píretrín <sup>(6)</sup> fyrir framkvæmdastjórnina 12. desember 2012. Matvælaöryggisstofnunin gerði tilkynnanda grein fyrir sínum sjónarmiðum varðandi píretrín. Framkvæmdastjórnin gaf Matvælaöryggisstofnuninni færi á að leggja fram athugasemdir varðandi drögin að endurskoðunarskýrslunni um píretrín. Aðildarríkin og framkvæmdastjórnin endurskoðuðu drögin að endurskoðunarskýrslunni og álit Matvæla-

öryggisstofnunarinnar, innan ramma fastanefndarinnar um matvælaferlið og heilbrigði dýra, og þeirri endurskoðun lauk 16. júlí 2013 með endurskoðunarskýrslu framkvæmdastjórnarinnar um píretrín.

- 3) Staðfest er að virka efnið píretrín telst samþykkt samkvæmt reglugerð (EB) nr. 1107/2009.
- 4) Í samræmi við 2. mgr. 13. gr. reglugerðar (EB) nr. 1107/2009, í tengslum við 6. gr. þessarar reglugerðar og í ljósi nýjustu vísinda- og tækniþekkingar, er nauðsynlegt að breyta skilyrðum fyrir samþykki fyrir píretríni. Einkum er rétt að krefjast frekari upplýsinga til staðfestingar.
- 5) Því ber að breyta viðaukanum við framkvæmdarreglugerð (ESB) nr. 540/2011 til samræmis við það.
- 6) Fyrir beitingu þessarar reglugerðar ætti að veita hæfilegan frest til að gera aðildarríkjum, tilkynnendum og handhöfum leyfa fyrir plöntuverndarvörum, sem innihalda píretrín, kleift að uppfylla kröfurnar sem fylgja breytingu á skilyrðunum fyrir leyfinu.
- 7) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

SAMÞYKKT REGLUGERÐ ÞESSA:

*1. gr.*

Ákvæðum A-hluta viðaukans við framkvæmdarreglugerð (ESB) nr. 540/2011 er breytt í samræmi við viðaukanum við þessa reglugerð.

*2. gr.*

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. janúar 2014.

(\*) Þessi EB-gerð birtist í Stj. ESB L 224, 22.8.2013, bls. 9. Hennar var getið í ákvörðun sameiginlegu EES-nefndarinnar nr. 206/2014 frá 30. september 2014 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, bíður birtingar.

<sup>(1)</sup> Stj. ESB L 309, 24.11.2009, bls. 1.

<sup>(2)</sup> Stj. ESB L 230, 19.8.1991, bls. 1.

<sup>(3)</sup> Stj. ESB L 344, 20.12.2008, bls. 89.

<sup>(4)</sup> Stj. ESB L 379, 24.12.2004, bls. 13.

<sup>(5)</sup> Stj. ESB L 153, 11.6.2011, bls. 1.

<sup>(6)</sup> Matvælaöryggisstofnun Evrópu, „Conclusion on the peer review of the pesticide risk assessment of the active substance pyrethrins“. Tíðindi Matvælaöryggisstofnunar Evrópu 2013 11(1), 3032. [76 bls.]. doi:10.2903/j.efs.2013.3032. Aðgengilegt á Netinu: [www.efsa.europa.eu/efsajournal](http://www.efsa.europa.eu/efsajournal)

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 21. ágúst 2013.

*Fyrir hönd framkvæmdastjórnarinnar,*

José Manuel BARROSO

*forseti.*

---

## VIÐAUKI

Í stað 246. línu um virka efnið píretrín í A-hluta viðaukans við framkvæmdarreglugerð (ESB) nr. 540/2011 komi eftirfarandi:

| Númer | Almenn heiti, kenninúmer   | IUPAC-heiti                      | Hreinleiki  | Dagsetning samþykki | Samþykki rennur út | Sértek ákvæði   |
|-------|--|----------------------------------|---|---------------------|--------------------|---|
| „246  | <p>Píretrín: 8003-34-7<br/>CIPAC-nr. 32</p> <p>Kjarni A: útdráttur úr <i>Chrysanthemum cinerariaefolium</i>: 89997-63-7</p> <p>Píretrín 1: CAS 121-21-1</p> <p>Píretrín 2: CAS 121-29-9</p> <p>Sínérín 1: CAS 25402-06-6</p> <p>Sínérín 2: CAS 121-20-0</p> <p>Jasmólín 1: CAS 4466-14-2</p> <p>Jasmólín 2: CAS 1172-63-0</p> <p>Kjarni B:</p> <p>Píretrín 1: CAS 121-21-1</p> <p>Píretrín 2: CAS 121-29-9</p> <p>Sínérín 1: CAS 25402-06-6</p> <p>Sínérín 2: CAS 121-20-0</p> <p>Jasmólín 1: CAS 4466-14-2</p> <p>Jasmólín 2: CAS 1172-63-0</p> | Píretrín eru flokin blanda efna. | <p>Kjarni A: <math>\geq 500</math> g/kg píretrín</p> <p>Kjarni B: <math>\geq 480</math> g/kg píretrín</p> | 1. september 2009   | 31. ágúst 2019     | <p>A-HLUTI</p> <p>Einungis má leyfa að efnið sé notað sem skordýracítur.</p> <p>B-HLUTI</p> <p>Við framkvæmd samræmdu meginreglnanna, eins og um getur í 6. mgr. 29. gr. reglugerðar (EB) nr. 1107/2009, skal taka tillit til niðurstöðanna í endurskoðunarskýrslunni um píretrín (SANCO/2627/2008), einkum í I. og II. viðbæti við hana, í lokagerð fastanefndarinnar um matvælaferlið og heilbrigði dýra.</p> <p>Í þessu heildarmati skulu aðildarríkin gefa sérstakan gaum að:</p> <p>a) áhættu fyrir notendur og starfsmenn,</p> <p>b) áhættu fyrir lífverur utan markhóps.</p> <p>Skilyrði fyrir notkun skulu taka til nokkunar fullnægjandi persónuhlífa og ráðstafana til að draga úr áhættu, eftir því sem við á.</p> <p>Umsekjandinn skal leggja fram upplýsingar til staðfestingar á:</p> <p>1) forskriftinni fyrir teknilega efnið, sem framleitt er sem verslunarvara, þ.m.t. upplýsingar um öll óhreinindi sem skipta máli, og um jafngildi hennar og forskriftarinnar fyrir prófunarefnið sem er notað vegna rannsóknanna á eiturbhrifum,</p> <p>2) áhættu við innöndun,</p> <p>3) skilgreiningu á efnaleifum,</p> <p>4) hve dæmigerðir helstu efnisþættir „Píretrín 1“ eru að því er varðar afdrif og hegðun í jarðvegi og vatni.</p> <p>Umsekjandinn skal leggja fyrir framkvæmdastjórnina, aðildarríkin og Matvælaöryggisstofnunina upplýsingarnar sem eru settar fram í 1. lið eigi síðar en 31. mars 2014 og upplýsingarnar í 2., 3. og 4. lið eigi síðar en 31. desember 2015.“</p> |